

Baca petikan dengan teliti, kemudian jawab soalan-soalan yang berikutnya.

BANDAR SERI BEGAWAN, Sabtu, 28 Februari - Jabatan Perikanan Kementerian Perindustrian dan Sumber-Sumber Utama telah menjalankan kerja-kerja menyelam dan memantau terumbu. Aktiviti ini adalah sebagai langkah untuk terus memelihara dan memantau pendaratan ikan yu di Negara Brunei Darussalam.

Aktiviti bermula di salah sebuah kawasan pelantar lama yang telah tenggelam dan kini menjadi tempat pembiakan habitat laut. Yang Berhormat Menteri Perindustrian dan Sumber-Sumber Utama melahirkan rasa penghargaan atas usaha Jabatan Perikanan yang mengendalikan aktiviti ini dalam usaha melindungi hidupan laut liar terutamanya ikan yu.

Yang Berhormat seterusnya berharap agar aktiviti ini akan terus mengukuhkan pengharaman pendaratan, penangkapan dan penjualan sirip ikan yu serta produk ikan yu yang dilaksanakan oleh kerajaan pada tahun 2013 dan dapat melindungi ikan yu daripada pupus. Oleh yang demikian, generasi kita berpeluang untuk melihat jerung., terutamanya ikan yu paus. Ikan ini memakan *krill* dan *plankton* yang sering dilihat di luar kawasan pantai Brunei.

Program ini juga diharap dapat meningkatkan kesedaran orang ramai mengenai kepentingan mamulihara dan menguruskan biodiversiti marin terbaik yang dimiliki oleh negara ini.

Perubahan iklim dan implikasinya terhadap kebajikan sosial dan komuniti ekonomi di kawasan persisiran pantai serta ekologi marin dan lapisan ozon merupakan isu global yang perlu ditangani.

Sumber:

Diubah suai dari Pelita Brunei.

Bilangan 26, 2 Mac 2015.

Jawab soalan-soalan di bawah dalam bentuk ayat yang lengkap.

- a. Nyatakan jabatan yang bertanggungjawab dalam menjalankan kerja-kerja menyelam dan memantau terumbu.

- b. Mengapakah kerja-kerja menyelam dan memantau terumbu ini dijalankan?

- c. Di manakah aktiviti tersebut dijalankan?

- d. Siapakah yang menghargai usaha Jabatan Perikanan ini?

- e. Apakah harapan Yang Berhormat terhadap aktiviti melindungi hidupan laut liar ini?

f. Apakah manfaat yang diperoleh oleh generasi kita hasil daripada aktiviti pemeliharaan dan perlindungan terhadap hidupan liar?

g. Di manakah *krill* dan *plankton* sering dilihat?

h. Apakah yang dapat ditingkatkan dengan adanya program seumpama ini?

i. Apakah isi global yang perlu ditangani ketika ini?

j. Pada pendapat kamu, selain daripada ikan yu, apakah hidupan laut lain yang perlu dilindungi daripada pupus?
